

La doturia Grete Mahlknecht é en dedemesaledema, ai 17 de má, t'ambulatore danmisdé dales 11.00 ales 12.00 impede domisdé.

Le dotur Aldo Marcocci é demez dai 17 ai 20 de mà y vëgn sostituì dala doturia Ceapa 320 95 49 158 che sará tl ambulatore do l'orar normal.

PLOANIES SAN MARTIN Y LUNGIARÜ

Orar nü dles mësses sö Oies é dal mëis de ma inant; dal dedolönesc ala jöbia dales 20.00 y dal vëndres ala domënia dales 16.00.

Invit ala **oraziun de Taizé** sö Oies en vëndres, ai 20 de ma, dales 20.00.

Peregrinaje dles porsones vëdues y sores en jöbia, ai 19 de ma, a Balsan – Lech de Kaltern – Ciastel cun siur degan: porta santa y mëssa tl dom da Balsan, marëna söl Lech de Kaltern y iade a ciasa por Ciastel, dailó picia marëna. An po senté sö a San Martin/plaza Raiffeisen dales 7.45. Le cost cun döt laite é de 50 euro. Prenotaziuns atira pro Elfriede 333 21 19 432 o pro Monica 0474 590 069.

SAN MARTIN

En recordanza dl defunt Paul Ferdigg é gnü fat chëstes ofertes: por la dlijia da fam. Pepi Videsott, fam. Elmar Clara, fam. Egon Ferdigg, anonim; por la Caritas da fam Lovara; por Familien in Not da fam. Paul Planatscher; por ss.mësses dai familiars y dala Uniun di Èi. A düc dër bel dylan!

Por la jita di Seniors al Lech de Garda ai 27 de má, prenotaziuns cina ai 20 de ma Alfred Ploner 333 36 54 786. *Ciarede ultima plata.*

LUNGIARÜ

En vëndres ai 20 de ma dales 20.00 organisëia i Stödafüch da Lungiarü na incuntada cun la jënt por mostre **coch'an se comporta tl caje de medefüch** y ci prighi ch'al pó ester te ciasa. La incuntada é tla ütia dles festes a Lungiarü.

La Uniun di Seniors Lungiarü inviëia ala jita al Lech de Garda, ai 27 de ma, pian ia cun n bus dales 7.15 da Lungiarü y rovan a ciasa dales 20.30 ia. Le cost é de 10 € por le bus (y 3 € por la barca da Limone a Riva, chi che ó). La marëna se paia düc instësc. Prenoté cina ai 20/05: Annelies 0474 590 067 o 346 35 87 173.

De Internazionale tl Museum Ladin: Sön Tor presentëia en domënia, ai 22 de má, i studënc di lizeums de Fascia süa mostra sön „Galilelo 2.0 - Occhiomente”. Dales 14.00-18.00 pó pici y gragn gnü a esploré les invenziuns de G. Galilei y odëi esperimënc de fisica. / Tl museum a San Ciascian, davert dales 10.00-18.00, vëgnel cunté stories dessignades tl saurun. La rapresentaziun dl spetacul Sand-Art mëte man dales 10.15, 14.30, 15.45 y 16.45 y döra vigni iade ca. 40 menüc. L'entrada, i programs y le sorvisc de taxi danter i dui museums é debann.

Referat „Liebevoll erziehen“ cun Lea Stampfl a Lungiarü tl salf dl paisc en lönesc, ai 16 de ma, dales 20.00; y sëra de **discusiun „Familia y volontariat“** tl Istitut Ladin en dedolönesc, ai 17 de ma, dales 20.00. *Ciarede ulima plata.*

La Uniun **dla Musiga da San Martin inviëia** al concert d'aisciöda en sabeda, ai 21 de ma, dales 20.30. tl gran salf a San Martin. I Ves aspetun cun ligrëza!

Bele dan da n pez é gnü **ciafé na bela ora da brac** cun le ciol de metal ghel te chi Pinis. Chi che s'l'á pordüda pó telefoné a Albina Sottara 0474 524 782.

La **scora mesana parificada tl Istitut Cör de Gejú a Mühlbach** cun internat por mitans inviëia a n de dala porta daverta en sabeda, ai 11/06, dales 9.00 ales 12.00.



www.unitepastorala.org

Plata dles Ploanies San Martin y Lungiarü



siur **Iaco Ploner** 333 48 32 765 / 0474 453 003 - ploner.jakob@aruba.it
redaziun: anton.gasser@rolmail.net - 348 27 44 517 / 0474 523 194

15.05. - 22.05.16 nr. 25

termo da publiché: jöbia 20.00
radio: 90,40 / 93,70

PASCA DE MA

Vangele do San Jan 20, 19-23

La sëra dl pröm dé dl'edema,
canche i discepui â, dala tëma dan dai iüdes, sarè pro les portes,
él gnü Gejú, é jü amesa ëi ite y ti à dit: Pêsc a os!
Do chëstes parores ti àl mostrè sües mans y so costà.
Dailó se ralegrà i discepui da odëi le Signur.
Gejú ti à ciamò n iade dit: Pêsc a os!
Sciöche le Pere m'à menè mè,
insciö ves mëni iö os.
Do ch'al à albü dit chësc, ti àl fladè ados
y ti à dit: Recioiede le Spirit Sant!
A chi che os ti lascëis do i piçià,
ti èsi lascià do;
y a chi che os ne ti i lascëis nia do,
ne ti èsi nia lascià do.



„Stlù l'üsc!“ *screia i geniturs sce i mituns ne stluj nia l'üsc y al vëgn ite frëit.*
„Stlù l'üsc!“ *ghira i demostranc contra l'invajiun di migranc.*
„Stlù l'üsc!“ *él cinamai cristians che oress dan da movimënc y idees nöies.*
„Stlù l'üsc!“ *él ince i discepui che fej, deache defora él prigorur;*
an á pö odü coch'ara ti é jüda a Gejú.

Mo Gejú ne n'ó nia üsc stluc, al vëgn ince ite sce döt é stlüt sö.
Al deura sö i cörs y scinca so Spirit, che delibrëia dala tëma, che dá idees nöies,
che inviëia da jí fora dla comodité.
Al é le Spirit de Pasca de Ma che Gejú sofla ite,
sciöche inlaota le creatur a sües creatöres.

Ince nos un ciafé chësc fle, ince nos ól nes paré fora alaleria.
Ince nos dessun pordené, incundé y pratiché la misericordia de Dî.
Ma Gejú, che é le pröm y l'ultim, stlujará spo l'üsc. (image)

	SAN MARTIN		LUNGIARÜ
15.05.16 PASCA DE MA	9.30 Mëssa solëna 19.00-20.00 Ora d'adoraziun al Spirit Sant 19.30 Corona de ma sò Ju	15.05.16 Domënia	7.55 Corona de ma 8.15 Mëssa solëna dla comunité 15.00 Corona tla capela da Seres
16.05.16 LÖNESC DE PASCA DE MA <i>Jan Nepomuck, Ubald</i>	9.00 Adoraziun al Spirit Sant 9.30 Gran Mëssa fam. Marcus Clara families Giovanni Tavella + Paul Ferdigg 19.30 Corona de ma a Picolin	16.05.16 Lönesc	7.55 Corona de ma 8.15 Gran Mëssa dl ann + Albino Clara + + Isidoro y Monica Mischi + Monica Sorá 20.00 Corona tla capela da Seres
17.05.16 Dedolönesc <i>Dietmar, Walter</i>	19.30 Mëssa + Robert Chiesa en onú de + siur Videsott por fam. Giovanni Tavella dl ann Paul Vantsch	17.05.16 Mertesc	14.00 Vijita ales families, str. S. Lizia 142 - 169 20.00 Corona de ma dala Grotta
18.05.16 Dedemesaledema <i>Jan I., Felix, Erich</i>	19.30 Corona de ma a Bioch 20.00 Corona de ma a Mirí	18.05.16 Mercui	7.50 Mëssa di scholars fam. Maieron de rengraziamënt fam. Martin Clara dedô Pröma Confesciun
19.05.16 Jöbia <i>Ivo, Zelestin, Cuno</i>	7.00 Iade por sanc a Weissenstein (KVV) + Mariangel Tavella por les Animes	19.05.16 Jöbia	7.30 Corona de ma
20.05.16 Vëndres <i>Bernardin da Siena, Elfriede</i>	18.30 Adoraziun chîta 19.00 Devoziun al Spirit Sant	20.05.16 Vëndres	<i>dadoman degöna mëssa</i> 19.30 Mëssa sò Seres por la Uniun dles Ères + + Albina Clara de rengr. a + siur Heinrich Videsott
21.05.16 Sabeda <i>Hermann Josef</i>	15.30 Mëssa tla Ciasa de Palsa 18.30 Mëssa prefestia por i nüc Nicole Dejaco y Matteo Busato + Helmut Dejaco (dl ann) dl ann Pire Sorá	21.05.16 Sabeda	20.00 Mëssa prefestia vis y + + Pension Alpi vis y + + fam Nando Clara + Scimun Mischi
22.05.16 FESTA DLA TRINITÉ Domënia dles Families	9.00 Corona de ma 9.30 Gran Mëssa (cun siur Gustl Freinademetz) <i>cun oferta por les Misciuns</i> 19.30 Corona de ma sò Ju	22.05.16 Domënia	Festa dla Pröma Comuniun 9.00 Ingres te dlijia dala scora Confaruns, musiga, comunicanc, geniturs, bandires, sorvidus, prou, toc, totes y comunité Mëssa da festa Incuntada y concert dan scora 15.00 Corona tla capela da Seres